

CH 3140/714.7

8



卷之四
雜錄

商周志
商周志
商周志

本志
本志
本志

家
家
家

子
子
子

書
書
書

州
州
州

歷城縣志卷十五

邑人葉承宗撰

藝文志 四

詩餘

哈佛大學漢和
圖書館珍藏印

西湖志載詩餘數十闕而它志不槩見蓋亦從所
本亡故闕焉弗書耳歷下山川奇秀激為清音李
家一女郎猶能駕秦軼黃凌蕪艸柳而况稼軒老
子哉蒐漁廢簏附于詩文之後亦以見歷人負有
奇情卽樂府小道亦足擅絕寓內云

蘭陵王

賦一丘
一壑

宋辛弃疾

幼安
邑人

一丘壑老子風流占却茅簷上松月桂雲脉脉石
泉逗山脚尋思前事錯惱殺晨猿夜鶴終須是鄧
禹輩人錦繡麻霞坐黃閣長歌自深酌看天濶
鳶飛淵靜魚躍西風黃菊香噴薄恨日暮雲合佳
人何處納蘭結佩帶杜若入江梅會約遇合事
難託莫擊磬門前荷蕢人過仰天大笑冠簪落待
說與相達不須疑着古來賢者進亦樂退亦樂

賀新郎

賦水仙

雲卧衣裳冷看蕭然風前月下
水邊幽影羅襪生

塵凌波去湯沐烟波萬頃愛一點嬌黃成暈不記
相逢曾解佩甚心情爲我香成陣待和淚收殘粉

靈均千古懷沙恨記當時恩心把此仙題品烟

雨婁迷儂憊橫翠袂摇摇誰整謾寫入瑤琴幽憤

絃斷招魂無人賦但金盃的皪銀臺潤愁帶雨又

獨醒

賀新郎

賦海棠

著厭霓裳素染胭脂苧蘿山下浣沙溪渡誰與流
霞爭千古醞引得東風相悞從史入吳宮深處鬢

亂釵橫渾不醒轉越江剗地迷歸路烟艇小五湖
去入當時倩得春留住就錦屏一曲種種斷腸風
度才是清明三月近要詩人妙句笑援筆慙慙爲
賦十樣蠻牋紋錯綺粲珠璣淵擲驚風雨重喚酒
共花語人

念奴嬌

書壁

野棠花落又匆匆過了清明時節剗地東風欺客
夢一枕雲屏寒怯曲岸持觴垂楊繫馬此地曾輕
別樓空人去舊遊燕子曾說一聞道綺陌東頭行

人盡見簾底纖纖月舊恨春江流不斷新恨雲山
萬疊料得明朝尊前重見鏡裏花難折也應驚問
近來多少華髮

沁園春

卜築

一水西來千丈晴虹十里翠屏喜草堂經歲重來
杜老斜川好景不負淵明老鶴高飛一枝移宿長
笑蝸牛帶屋行平章了待十分佳處著個茅亭

青山意氣崢嶸似爲我歸來嫵媚生解頰教花鳥
前歌後舞更催雲水暮送朝迎酒聖詩豪可能無

勢我乃而今駕馭卿清溪上破笑白髮歸耕

水調歌頭 鷗盟

帶湖吾甚愛千丈翠巖開先生杖履無事一日走
千回凡我同盟鷗鷺今日所盟之後來往莫相猜
白鶴在何處嘗試與偕來 破青萍排綠藻立蒼
苔窺魚笑汝癡計不解舉吾杯廢沼荒丘疇昔明
月清風此夜人世幾歡哀東岸綠陰少垂柳更須
栽

摸魚兒 置酒山亭

更能消幾番風雨匆匆春又歸去惜春長怕花開
早何況落紅無數春且住見說道天涯芳草無歸
路怨春不語算只有殷勤畫簷蛛網盡日惹飛絮
長門事準擬佳期又悞蛾眉曾有人妬千金曾
買相如賦脉脉此情誰訴君莫舞君不見玉環飛
燕皆塵土閑愁最苦休去倚危欄斜陽正在烟柳
斷腸處

瑞鶴仙 賦梅

鴈霜寒透幙正護月雲輕嬾雲猶薄溪奩炤梳掠

想含香弄粉艷粧難學玉肌瘦弱更重重龍綃襯
着倚東風一笑嫣然轉盼萬花羞落 寂寞家山
何在雪後園林水邊樓閣瑤池舊約鄰翁更仗誰
託粉蝶兒只是尋桃覓柳開徧南枝未覺但傷心
冷落黃昏數聲畫角

最高樓

賦梅

花知否花一似何郎又似沈東陽瘦稜稜地天然
白冷清清地許多香笑東君還又向北枝忙 著
一陣霎時間底雪更一個缺些兒底月山下路水

邊牆風流怕有人知處影兒守定竹邊廂且饒他
桃李趁少年場

玉樓春

戲賦雲山

何人半夜推山去四面浮雲猜是汝當時相對兩
三峯走徧溪頭無覓處 西風瞥起雲橫處忽見
東南天一柱老僧拍手笑相夸且喜春山依舊住

鵲橋仙

贈鷺

溪邊白鷺來吾告汝溪裏魚兒堪數主憐汝汝又
憐魚要物我欣然一處 白沙遠浦青泥別渚剩

有。蝦。跳。鯽。舞。聽。君。飛。去。飽。時。來。看。頭。上。風。吹。一。縷。

菩薩蠻 櫻桃

香。浮。乳。酪。玻。璃。盞。年。年。醉。裏。嘗。新。慣。何。物。比。春。風。
歌。唇。一。點。紅。江。湖。清。夢。斷。翠。籠。明。光。殿。萬。顆。瀉。
輕。勻。低。頭。愧。野。人。

小重山 遊湖

綠。漲。連。雲。翠。拂。空。十。分。風。月。處。著。衰。翁。垂。楊。影。斷。
岸。西。東。君。恩。重。教。且。種。芙。蓉。十。里。水。晶。宮。有。時。
騎。馬。去。笑。兒。童。殷。勤。却。謝。打。頭。風。船。兒。住。且。醉。浪。

花中

念奴嬌 春思

宋李清炤 易安邑人

蕭。條。庭。院。有。斜。風。細。雨。重。門。深。閉。寵。柳。嬌。花。寒。食。
近。種。種。惱。人。天。氣。險。韻。詩。成。扶。頭。酒。醒。別。是。間。滋。
味。征。鴻。過。盡。萬。千。心。事。難。寄。樓。上。幾。日。春。寒。簾。
垂。四。面。玉。欄。杆。慵。倚。被。冷。香。銷。春。夢。覺。不。許。愁。人。
不。起。清。露。晨。流。新。桐。初。引。多。少。遊。春。意。日。高。烟。斂。
更。見。今。日。晴。未。

聲聲慢 秋閨

尋尋覓覓冷冷清清悽悽慘慘戚戚乍暖還寒時
候最難將息三杯兩盞淡酒怎敵他晚來風急鴈
過也正傷心却是舊時相識滿地黃花堆積
憔悴損如今有誰堪摘守着窻兒獨自怎生得黑梧
桐更兼細雨到黃昏點點滴滴這次第怎一個愁
字了得

怨王孫

春暮

夢斷漏悄愁濃酒惱寶枕生寒翠屏向曉門外誰
掃殘紅落花風玉簫聲斷人何處春又去空把

流年負此情此際擬托行雲問東君

醉花陰

重陽

薄霧濃霧愁永晝瑞腦噴金獸佳節又重陽寶枕
紗厨半夜新涼透東籬把酒黃昏後有暗香盈
袖莫道不銷魂簾捲西風人似黃花瘦

武陵春

春晚

風住塵香花已盡日晚倦梳頭物是人非事事休
欲淚先流聞說雙溪春尚好也擬泛輕舟只恐
雙溪舴艋舟載不動許多愁

浣溪沙 閨情

髻子傷春慵更梳
晚風庭院落梅初
淡雲來往月
疎疎 玉暢薰鑪閒
瑪瑙朱櫻斗帳掩
流蘓遺犀
還解避寒無

樓上晴天碧四垂
樓前芳草接天涯
勸君莫上最高梯
新筍看成堂下竹
落花都作燕巢泥
忍聽林表杜鵑啼

如夢令 春晚

昨夜雨涼風驟
濃睡不消殘酒
試問捲簾人
却道

海棠依舊知否
知否應是綠肥紅瘦

蝶戀花 春暮

遙夜亭臯閒信步
纔過清明漸覺傷春暮
數點雨聲風約住
朦朧淡月雲來去
桃李依稀香暗度
誰在鞦韆笑裡輕輕語
一寸相思千萬縷
人間沒個安排處

江神子 送太初石野亭

元張養浩 希孟邑人

何年仙斧斷雲根
玉無痕
翠生春
磅礪空庭太華
入平分
百竅暗通元氣漏
無一竅不氤氳
想當

丘壑闕元真泣波臣走山君一笑移來造物不吾
嗔目擊烟霞心已了誰再夢上星辰

酬江月

邊貢庭實
邑人

山城雨過望青郊迢遠碧山連屬岸旭林霏縈還
帶回首屢看僮僕白石橋邊蒼松澗底冉冉雲相
逐野猿孤鶴晚來聊伴幽獨幾度夢到江南畫
船簫鼓夜傍蘆花宿烏帽錦衣呼喝處猶似當年
拘束布衲綸巾芒鞋藜杖無寵還無辱閒觀塵世
幾人能此知足

鷓鴣天

答華生

相見真能慰渴心坐同枯槁得春霖停舟共試橋
中戲步月聊為河上吟汀草碧渚花沉起揮焦
尾奏商音一從京國分携後囊裏閒來直到今

踏莎行

題畫

露濕春莎草生芳甸漁舟迤邐依山轉斜光明滅
炤村墟綠槐深護幽人院小柵鳴鷄古梁巢燕
柴門不鎖蓬蒿徧問渠莫是武陵源一溪流水桃
花亂

蝶戀花

別

亭上雨來人欲去爲怕離聲不近芭蕉樹芳草碧
雲凝望處願生雙翼誰能訴萬疊愁情那可賦
風柳如蕩漾絲千縷自鴈嗷嗷江館暮醉中愁見
吳山路

竹枝

劉天民

希尹
邑人

竹葉青青竹葉黃四時景色自江鄉郎搖商舶風
濤遠妾宿閨房夜漏長

竹枝裊裊不禁風夜靜江寒色色生新月上來篩

瘦影嗷嗷黃犬吠門東

翠竹黃沙秋可憐江頭日日有迴船道郎醉煞臨

叩酒布被單衫誰共眠

日暮江村竹樹繁蕭蕭相伴小奴僮東風吹落醉
枝籜飄去飄來不離根

藏書

晉人云擁書萬卷富擬南面百城然亦有幸不幸
焉易安一女子積書數萬卷竟以難熬遺邊庭
實積書數萬卷因以名樓竟燬于火數十年來列

署之所較刻薦紳學士之所世藏亡慮數千種已
卯之役盡喪于
騎兵之手吁人言寒士莫舉
事客揄鬼笑天破碎醒列其名以告後之積書者

德府書板

漢書

三國志

德藩世訓
德端王著

布政司書板

五經傍訓

鄭中丞
天璧刻

詩經正義

系政許
天贈刻

天仙道德經

關尹
喜著

宋鑑

王方伯
宗沐刻

文章正宗

谷南高
公著刻

山東通志

方代巡
遠宜刻

丹溪心法

施方伯
篤臣刻

證類本草

傅中丞
希摯刻

扶壽精方

施方伯
篤臣刻

全幼心鑑

嵩陽寇
平衡刻

衛生易簡方

侍郎李公
春芳述

王氏農書

東魯王
禎述

小兒語

呻吟集

俱參政
呂坤著

滄溟集

白雪樓集

俱邑人李
攀龍著

按察司書板

大明律附例

鄭中丞
汝璧註

法家體要

陳廉憲
慶刻

軍政條例

鄭中丞
汝璧刻

文心八則

鹿洞成規

當官功過格

公門修行錄

俱廉憲蔡公懋德刻

運司書板

四書蒙引

運長甘公一驥刻

四書存疑

俱運同查志隆刻

岱史

鹽法志

濟南府書板

經史直解

殷士儋著

易經註解

徐參政元氣註

四書近語

清平孫應鰲著

朱文公集

荆川唐文獻輯

皇明帝后紀畧

皇明臣謚類鈔

俱知府徐公榜集

泰山志

吳代巡伯朋裁定

詞宗表選

王別駕之綱集

冊溪鈞玄

魏司李允孚刻

藥性賦

中州尹士顯著

泮州稿

泮州蔡公著集

內臺集

浚川王廷相集

靈巖集

臨川王裕編

大明一統賦

吳人莫旦編

華泉集

邑人邊貢著

珍珠囊詩格

痘疹書

俱徐大守榜刻

各家書板

雒陽名園記

李格非著

李文叔集

劉後村日李文叔集四十

五卷高雅條暢有義味在晁秦之上

漱玉集

宋李易安著

樂靜集

陳氏曰起居舍人李昭玘撰元豐元年甲科所居有樂靜堂因以名集

呂忠穆集

陳氏曰濟南呂願浩著書十五卷後三卷為燕魏雜記古今事卷末言人

華始未甚詳

稼軒集

宋辛棄疾著

三事忠告

歸田類藁

御史箴

俱元張養浩著

華峯類藁

華峯漫藁

金陵集

俱元張起巖著

蒼崖類藁

金石例

俱元潘昂霄著

五經通旨

漫遊稿

雲芝稿

大成樂譜

俱國朝王勅著

舉業式程

邑人趙繼本著

金輿山房集

懲鑒錄

讀法須知

明農軒樂府

二千文

思賢操譜

俱邑人殷士儋著

瞻泰樓集

海右倡和集

梁園集

俱邑人許邦才著

司農奏議

邑人趙世卿著

月梧集

邑人張弓著

四子主意

陽宅指掌

俱邑人周繼著

函山集

鹹酸勾肆

俱邑人劉天民著

東山存稿

邑人光廬著

水部集

邑人陳明著

紺珠經 邑人王見賓著

岱史 邑人呂中丞純如刻

歷乘

忠孝經註解

四書朱翼

陽春館詩集

海岱吟

城書

白鷗閣集 俱邑人劉勅著

論語亦說

仁義辨 俱邑人張經著

讀司馬遷樊噲傳而鴻門一席鬚眉俱生讀杜牧之阿房賦而秦宮之制與窳畢見即如水香歷下北渚水西今皆圯廢獨賴南豐諸什猶可想像於

蒹葭遡洄間則此連篇累牘寧僅作風雲月露觀耶余於藝文既覈汰時吻而取古大家文辭以益之文悅于目則篇留于手不自知其帙之溢也亂後文獻凋殘諸家都亡善本恐後人不復見前輩風韻也故過存之都為四卷凡如千篇

歷城縣志卷十五止

風俗志卷十五

風俗志

風俗志

風俗志

風俗志

風俗志

風俗志

風俗志

風俗志

歷城縣志卷十六

邑人葉承宗撰

雜志

災祥

紀變

傳疑

述聞

災祥近怪紀變近亂傳疑近神述聞近厄類而志

之者何五石六鷁紀於春秋補天射日載在外紀

商羊萍實存乎家語史遷曰談言微中可以解紛

鷓冠子曰中流失船一壺千金安在齊諧虞初不

與丘索並傳哉作雜志

噴災祥

洪範列言休咎春秋獨書災異志兼之從其實也

夫災祥王事之大者一邑何專焉書曰王省惟歲
卿士惟月師尹惟日反風滅火蝗不入境人定而
天從惟影響豈必雉雠與商熒惑顯宋乃見天心
仁愛耶

漢文帝七年十一月戊戌土木二星合于危

元帝初元四年濟南東平陵王伯之祖墓門梓柱

卒生枝葉上出屋

伯莽之祖王皇后曾祖劉向以爲王氏貴盛將代漢之兆

安帝元初三年春正月丁丑東平陵樹連理

三月東平陵有瓜異處共生八瓜同蒂

或以爲瓜者外

延離本而實外屬之象是時閭皇后初立與外親耿寶等共讚廢太子立濟北王

延光三年二月戊子五色大鳥集濟南臺

時車駕東巡鳳

集縣丞霍收舍樹上賜臺長熨帛十五疋收二十疋尉半之吏卒人三疋鳳凰所過亭郭無出今年田租賜男子爵人二級按此五色大鳥似鳳者多羽蟲之孽是時安帝信中嘗侍樊豐阿母王聖讒言免太尉楊震不慙之象也

晉武帝太始四年大水

太康元年五月濟南雨雹傷禾稼三豆

是時王濬有大功而

權威互相抑帝從容不斷陰脅陽之象也

二年二月辛酉隕霜於濟南傷麥五月大風折麥

三年閏八月己丑白龍二見歷城

惠帝永康二年四月季見齊分

占曰齊有兵喪是時齊王罔起兵討

趙王倫倫滅罔擁兵不朝專權淫奢明年誅

永寧元年十一月熒惑太白闕虛危

占曰大兵起破軍殺將

七月歲星守虛危

占曰水守虛危有兵憂一曰守虛饑守危徃役煩下屈竭

元帝大興元年蝗

四年壬辰枉矢出虛危

占曰枉矢所觸天下之所伐

明帝太寧二年六月乙巳齊州言濟河水口見八

龍昇天

三年山東大水

饑死不勝計

成帝咸康八年

趙石虎建武八年

濟南平陵城北石虎自

移於城東南

石虎于是起南寇之計

孝武帝太元十二年十二月戊子辰星八月在危

占曰賊臣欲殺主

宋武帝永初三年十月辛卯有星孛於虛危向河津

掃浮鼓

占月有兵喪

二年十月癸巳客星見危逆行在離室北騰蛇南

孝武帝大明二年十一月壬子熒惑犯鈞鈴

占口有兵

其年遣羽林軍討平之

五年五月癸未白雀二見濟南

青州刺史劉道隆以獻

六年十一月十五日太白填星合於危

占曰天子失土

文帝元嘉十七年大水

二十七年六月乙卯白雀見濟南郡

薛榮以獻

三十年正月癸巳饑

建德三年十一月丙子歲星與太白相犯光芒相

及在危十二月庚寅月犯歲星在危相去二寸

齊高帝建元四年七月戊辰月在危宿蝕

武帝永明九年四月癸未月在歲星北為犯在危

度

十年五月甲戌月行在危度入羽林九月癸未月

行掩犯填星一寸在危度

十一年四月壬寅月行在危度入羽林

順帝昇明三年歲星在虛危徘徊立枵之野

魏孝文承明元年八月齊州獻嘉禾

太和三年九月齊州獻嘉禾

天賜二年月掩太自在危

宣武帝景明二年三月辛亥齊州隕霜殺桑麥七

正月齊州獻嘉禾

正始二年三月丁丑齊州大雹雨雪四月齊州隕

太霜六月齊州獻嘉禾

三年閏月乙酉月在危蝕三月齊州獻白雉

延昌二年五月齊州獻白鹿

三年四月流星起天津東南流轆虛危十月齊州

甘露降

孝明帝熙平元年六月齊州野蚘生

二年十一月齊州濟南郡木連理

正光二年四月齊州隕霜

孝莊帝永安二年四月乙丑月蝕左危

神瑞六年二月辛巳有星孛於虛危

神嘉三年六月丙子大流星出危南入羽林

東魏孝靜帝元象元年夏山東大水蝦蟆鳴於樹上

大定十四年癸未有星孛於虛危

北齊文宣帝天保九年夏四月龍見齊州後堂

十年六月庚子填星犯井越與太白并

占日子為玄枵

齊之分野大臣誅斧鉞用

後主武平四年山東饑

是時大興土木窮侈極麗後宮侍御千餘人皆寶衣

玉食逆中
氣之咎

六年八月山東諸州大水

天統元年六月壬戌彗星見於文昌長數寸入文

昌犯上將然復經紫薇宮西垣入危漸長一丈

餘後百餘日在虛危滅

四年八月孛星入天市漸長四丈犯匏瓜虛危入

室

隋文帝開皇四年齊州水

煬帝大業五年齊饑
七年秋山東大水

八年山東大旱疫人多死

唐太宗貞觀元年夏山東旱免今歲租

七年八月山東大水

八年七月山東大水八月甲子有星孛於虛危歷

玄枵乙亥不見

高宗永徽元年秋齊州大水

四年山東蝗蝻稼聲如風雨

六年十月齊州河溢

歷城縣志 卷十六 災祥 友聲堂 六
總章元年山東大旱

咸亨八年月齊州大水

永淳元年六月山東大雨水夫饑

上元二年八月齊州大水

永隆元年六月濟南大水溺死者甚衆

武后垂拱三年天下饑

大足元年諸州饑

中宗神龍二年五月山東旱饑

景隆元年十月丙寅太白熒惑合於虛危山

玄宗天寶十五載五月熒惑鎮星同在虛危中天

芒南大動搖

代宗大曆八年閏十一月壬寅太白辰星合於危

德宗興元元年秋螟蝗自山而東際於海晦天蔽

野草木葉皆盡

貞元元年饑米斗千錢夏蝗東自海西盡河隴羣

飛蔽天旬日不息所至草木葉及畜毛靡有孑

遺饑饉枕道民蒸蝗暴乾去翅足而食之

三年閏五月戊寅枉矢墜於虛危

四年地生毛

憲宗元和十一年十一月戊子鎮星熒惑合於虛

危十二月鎮星太白辰星聚於危

文宗太和二年夏齊州大水

開成二年二月丙午有彗星於危長七尺餘西指

南斗戊申在危西南芒耀愈盛凡彗星晨出則西指夕出則東

指未有徧指四方八月丁酉有彗星於虛危

凌犯如此之甚者危為玄枵枵耗名也

四年黑蟲食田

五年夏齊州螟蝗害稼占曰國多邪人朝無忠臣居位食祿如蟲與民爭食

十一月戊寅有彗星見於東方

宣宗大中八年正月丙戌朔日有食之在危一度

懿宗咸通二年饑

僖宗乾符四年七月有大流星如盂自虛危入天

開市入羽林滅占為外兵

昭宗乾寧三年十月有客星三一大二小在虛危

四間乍合乍離相隨東行狀如鬪經三日而二小

星滅其六者後沒

宋太祖建隆元年齊州大旱生魃大饑

四年八月齊州河決

乾德元年齊州饑

開寶二年齊州大水

七年春齊州野蠶成繭

太宗端拱元年齊州民徐美妻一產三男

淳化二年十一月壬辰填星與熒惑合於危

仁宗慶曆五年六月流星過虛危星有尾迹明燭

地

是後英宗以齊州防禦使入承大統

神宗元豐六年五月歷城縣禾二本合穗

哲宗紹聖三年齊州禾異畝同穎合秀九穗

孝宗隆興元年十二月壬午夜白氣見西南方出

危入昴

金世宗大定十六年山東旱蝗

章宗明昌二年秋山東東路旱大饑

十一月乙丑金木二星見在日前十三日方伏而

順行危宿在羽林軍上壁壘陣下光芒明大

四年山東大稔

山東大稔

熙宗天眷二年山東大稔

衛紹王大安二年四月山東東路大旱

六月淫雨大饑斗米至千餘錢

三年二月山東大旱

崇慶元年山東大旱

海陵正隆二年蝗

宣宗貞祐三年十二月庚辰大白晝見於危八十

有五日伏

興定五年山東行省蒙古綱奏慶雲見命圖以進

六月戊寅日將出有氣如火道經丑未歷虛危

大東西不見首尾移時沒

元世宗中統三年九月濟南郡饑免其賦稅

四年十二月濟南大水

二十九年三月濟南郡霜殺桑

世祖至元元年濟南郡大水

二年八月濟南郡雨雹

五年十二月濟南大水以米十二萬八千九百石

賑之

六年正月濟南進芝一本濟南歷城饑

八年六月濟南路蝗

十五年四月歷城縣進芝 歷城獲白雉以獻

二十二年秋濟南等路河水壞田

二十六年濟南隕霜殺菽

三十九年六月濟南郡蝗

成宗元貞元年五月歷城縣大清河水溢壞民居

大德二年二月辛酉歲星熒惑太白聚於危

四月山東蝗

五年六月濟南郡水十月濟南霖雨害稼

十月辛卯夜有流星大如杯色去尾長丈餘光

燭地自北起近東徐徐而行分爲二星前大後

小相離尺餘沒於危宿

六年五月濟南路大水

七年五月濟南路蝗濟南路水濟南路蟲食麥

十年冬十二月山東饑遣尙書武鼎賑之

武宗至大元年二月濟南大饑四月濟南大風雨

六月山東郡大饑

二年四月濟南蝗七月濟南路大雨水害稼

仁宗延佑六年六月濟南路大雨水害稼

三年二月濟南饑

英宗至治三年五月濟南霖雨害稼六月濟南郡

六淫雨水深丈餘漂沒田廬

泰定帝泰定元年六月濟南蝗八月濟南霖雨水

深丈餘損禾稼

二年閏正月濟南饑六月歷城蝗九月濟南郡蝗

十二月濟南郡饑

三年夏四月濟南路饑免郡縣租稅十二月蝗

致和元年濟南雨水害稼

順帝元統二年三月山東霖雨水湧

三年濟南饑 六年歷城饑

二十三年濟南大旱十月丙申大名路向青齊一

方有赤氣炤燿千里

至元三年濟南饑遣使賑饑民九萬戶

至正元年濟南饑

二年五月濟南山崩水湧六月癸丑夜濟南山水

暴漲衝東西二關流入小清河黑山天麻石固等寨及卧龍山水通流入大清河漂没上下民居千餘家溺死者無筭

四年五月大雨二十餘日黃河暴溢平地水深二

丈許北侵安山延袤濟南老幼昏墊壯者流離

五年夏濟南饑大疫

六年濟南大饑山東地震七日乃止

七年三月山東地震有聲如雷天雨白毛

十六年山東大水

十七年四月濟南大風雨雹冬山東大饑人相食

十九年濟南蝻生大饑人相食

二十年山東地震雨白雩

二十二年京師有白氣如索起危宿長五百丈掃

天太微太史奏山東當大水帝曰不然山東當失一大將

二十三年濟南大旱六月庚戌星隕於濟南龍山

入地五尺

二十六年六月濟南霖雨害稼飛蝗蔽天所過溝

壑盡平民大饑八月大清河溢

二十七年五月山東地震

國朝洪武六年濟南暴漲

十年濟南大稔斗米七錢

景泰元年濟南饑

天順元年濟南大水饑人相食

成化九年三月四日濟南等縣晝晦

十年濟南大稔

弘治五年濟南大饑 七年濟南大稔

正德七年濟南州縣民言黑眚見至冬乃息

時老幼皆

擊銅器以自衛通宵不寐

嘉靖八年濟南蝗秋大水

十年濟南蝗

萬曆十年大饑

十六年濟南大疫秋大水

三十二年濟南大水 以米豆三萬六千賑之

三十五年濟南大水舜廟香泉發

三十八年王孝廉啓亨家牛產一麟龍頭麕身牛

四蹄產時火起未幾沒而火亦熄

四十四年大稔

四十三年夏六月大旱東城樓獸噴烟三月不雨

歲大饑人相食

遣御史過庭訓賑之

四十四年春夏饑旱蝗

四十六年大稔

東南踰數日

天啓元年秋大水

二年正月初一日未時太陽暈曙生三珥傍有白

氣一道日暈於玄枵之次二月初七日夜地震

如雷房搖地動夏四月地震

五月蓮賊反中秋丞趙公彥平之

地震

四年正月朔至三日日暈環抱三珥有白氣一道

赤氣一道相射一珥抱日一珥如反弓之形至

六月朔大雨雹擊死一婦人禽鳥無筭

秋七月劉勅家產芝

七年七月初三日寅時大水三川廬舍漂沒殆盡

大清河溢

崇禎三年三月初九日大風晝晦

四年春二月朔卯日出如血至巳乃有光狼入西

城夏日生理

冬十二月 勒兵至縣東北境

五年春三月十二日大風黑氣十二月二十一日

大火焚南關數千家燃城上箭簾因風吹火落

踰城內復焚千餘家湖中樹木亦焦二十二日

辰時舜廟災

七年元日夜先雨後雪霹靂大作

八年秋旱

九年六月大雨雹殺西北禾蔬至盡拔木無筭

十年野疋生數日之內四野如洗八月日出入血

色周天至十二月乃已

十一年六月蝗

十二年蝗入城

疫 大旱

變後疫旱交 作死者無筭

九月二十四日戌時西南角樓燬貯砲四擊震

傷民房數千間

十三年二月日出如血大風霾夏大旱 疫

六月日出入有赤氣如血秋旱蝗

道殣相望 剽掠四起

紀變

濟南阻山帶河亦一用武之國也治則後平亂則先變蓋自列國瓜分兵爭僭據一治一亂史策彰彰錄其大者志諸末簡語曰前事不忘後事之師天下不能百年無事也尚亦思患而預防之哉魯莊公十年冬齊師滅譚譚子奔莒譚齊附庸國也桓出不禮焉立又不朝故及

魯成公二年六月癸酉季孫行父臧孫許叔孫僑如公孫嬰齊會晉郤克衛孫良夫曹公子手及齊侯戰于鞏齊師敗績秋七月齊侯使國佐如

師已酉及國佐盟于袁婁公羊傳曰君不使乎大夫此其行使乎大夫何佚獲也其佚獲柰何師還齊侯晉郤克投戟再拜稽首馬前逢丑父者頃公之車右也面目與頃公相似衣服與頃公相似代頃公當左使頃公取飲頃公操飲而至曰革取清者頃公用是佚而不及逢丑父曰吾賴社稷之神靈吾君已免矣郤克曰欺三軍者其法柰何曰法斲於是斲逢丑父已酉及齊

國佐盟於袁婁

漢王使酈生往說下齊王廣及其相國橫橫以爲然解其歷下軍漢將韓信引兵且東擊齊齊使華無傷田解軍於歷下以距漢漢使至乃罷守戰備縱酒且遣使與漢平漢將韓信已平燕趙用蒯通計度平原襲破齊歷下軍因入臨淄齊王廣相橫怒以酈生爲賣已而烹酈生

東漢更始二年梁王永據國起兵至建武元年稱帝睢陽立張步爲齊王時上方北憂漁陽南事梁楚故步得專集齊地據十二郡焉五年上詔

耿弇進討張步步聞弇將至使費邑軍歷下以拒之弇渡河先擊祝柯進攻巨里大破之步降齊地悉平

晉慕容德乘時取青齊而成霸業石固寨乃其故壘劉裕潛渡大峪塞五龍口破廣固城濟南諸寨無所用之

慕容超大掠淮北擄濟南太守趙元驅掠千餘家而歸劉裕乃伐超屠廣固執斬其王公以下三

千餘人

魏孝文延興三年十一月司馬小君自稱晉後聚衆三千餘人反于平陵號年聖君攻破郡縣殺幕害長吏齊州刺史武昌王平原身自討擊擒小君送京師斬之

宣武帝景明元年九月齊州民柳世明聚衆寇齊兗二州討平之

承明元年六 幽州北平府主簿河間邢杲率河北流民十餘萬戶反于青州自署漢王號年天統十月以車騎大將軍李叔仁討於濰水失利

而還十二月詔行臺于暉回師時邢杲次于歷下二年四月上黨王天穆齊獻武王大破邢杲於齊州之濟南杲降送至京師斬於都市

孝莊帝永安三年齊州人趙雒州據西城反應爾朱兆刺史丹陽王蕭贊棄城走

皇興元年崔道固以歷城叛魏詔慕容白曜討之十百計不能下乃築長圍以困之固降曜乃立平齊郡以歷城之民實之爲歸安縣使房崇吉爲

縣令

隋煬帝大業六年鄒平民王薄擁衆據長白山剽掠齊濟之郊十二年王世克擊破之

十二年山東劇盜魏刁兒自號歷山飛劫掠燕地武賁郎將王辨擊破之

唐太宗貞觀十七年齊王祐反伏誅祐武德八年王齊領齊州都督貞觀十一年歸國其舅尚乘直長儉人也乃引客燕弘信謁祐祐說王使募劍客初上用王府長史司馬必用骨體敢言者有過失輒聞而祐溺羣小好弋獵長史薛大鼎

諫不聽帝免之更用權萬紀性剛直以法繩祐祐有咎君謩梁猛虎者騎射得幸萬紀斥之祐私引與狎昵萬紀說王上書謝罪萬紀見帝言祐且自新帝悅厚賜萬紀而仍戒祐祐以萬紀爲賣已益不平萬紀又以疑裁繫君謩等祐不勝忿帝召祐萬紀還京師祐與燕弘京等謀射殺萬紀支解之左右勸祐遂發兵乃募城中男子王斤庫賁行賞人惡之皆夜縋亡去詔李勣等討之祐檄諸縣縣輒以聞勣未至而青淄等

兵已集或勸祐虜子女走豆子航爲盜計未決
兵鑿垣入執送京師賜死內侍省詔齊州給復

一年

肅宗乾元二年史思明陷齊州

僖宗廣明元年無棣洪霸郎爲盜齊棗間平盧節
度使安師道遣將王敬武擊破之

宋劉豫景州阜城人元符中登第累官殿中侍御
史被劾出爲兩浙察訪至真州丁父憂居馬金
兵陷河南高宗過雒陽起復豫知濟南豫到郡

金人利誘之百姓遮豫願以死守豫竟出降金
人徙豫知東平節制河南兵馬及張邦昌廢豫
使子麟以重賄結粘罕及其腹心高慶裔輩求
僭號粘罕假以百姓推戴請於金主立豫爲帝
國號大齊改元阜昌初據東平繼遷于汴僉發
鄉兵三十餘萬付子麟姪猗領之分道寇宋大
敗而歸豫猶請戰不已金主下詔廢爲蜀王父
子並徙上京豫僭位凡八年至上京改封曹王
而死初豫僭立嚴刑暴斂取快一時見兵士賣

陵中玉椀卽置淘沙官再發河南山陵及發民間無主墳墓行五等稅法民鬻子者皆稅百錢下至倡優日有納課臣子納女獻妾者皆得遷官賞罪去汴之日金帛糧斛山積父子姬妾各百餘人金皇統間沂州普照寺碑亦謂豫專以苛政理國知衆不附尤狹中多忌者足證其暴云

宋末長白山寇李全雄兵五萬據有全齊金元宋三國視其左右顧以爲重輕皆其妖婦楊妙真

所爲及敗乃曰梨花槍二十年無敵于天下非戰之罪也其子李顯忠歸元封公

李壇小字松壽維州人李全子也太祖十六年全

叛宋舉山東州郡歸附拜全山東行省太宗三年全攻宋揚州敗死壇遂襲爲益都行省專制山東者三十餘年前後所奏凡數十事皆恫疑虛喝挾敵國以要朝廷而自爲完繕益兵計初以其子彥簡質於朝而僭爲私驛自益都至京師質子營至是彥簡遂用私驛逃歸壇遂反殲

蒙古戍兵引麾下吳舟還攻益都入之發府庫
 以犒其黨自益都至臨淄數百里寂無人聲帝
 遣諸軍討壇壇盜據濟南癸酉命史樞阿木帥
 師赴濟南壇率眾出掠輜重將及城官軍邀擊
 大敗之壇退保濟南五月庚申築環城圍之甲
 戌圍合壇自是不得復出猶日夜據守取城中
 子女賞將士以悅其心且分軍就食民家家賦
 之鹽令以人爲食人情潰散壇不能制各什伯
 相結絕城以出壇知城且破乃手刃愛妾乘舟

入大明湖自投水中水淺不得死爲官軍所獲
 縛至諸王合必赤帳前丞相史天澤言宜即誅
 之以安人心遂與蒙古軍官囊家並誅焉

建文二年庚辰夏四月燕師渡白溝河李景隆敗
 單騎奔濟南叅贊高巍遇叅政鐵鉉于臨邑遂
 趨濟南守城丁丑燕師迫濟南己卯李景隆出
 兵合戰城下敗績奔入城燕兵以箭射書城中
 使急降鐵鉉等悉力防禦辛巳燕兵隄水灌濟
 南濟南人大懼鐵鉉曰無恐計且破之不三日

遁矣令登陴人皆哭呼曰旦日且降盡輟守具
出千人城外伏地請降又請退兵十里無驚動
城中人無府聞濟南降大喜遂下令退軍受降
軍中大喜呼萬歲鐵鉉懸鐵板城門上伏壯士
圍堵中約候燕府入城呼千歲卽下鐵板拔橋
乃遣人請燕府入城燕府乘肩輿張蓋率勁騎
數人渡橋直至城下城門開守陴者皆登城伏
堵比入門門中人卽呼千歲鐵板悉下傷燕王
馬首于棄馬取從馬走走至橋倚下伏兵發斷

橋橋不可動燕王得過橋復合兵圍濟南鐵鉉
隨機應敵間出兵累敗燕兵八月戊申濟南圍
之解冬十月封盛庸爲歷城侯以鐵鉉爲山東布
政使

崇禎十一年臘月二十三日

圍益急時撫院顏公繼祖奉

旨防德會城止萊兵千人皆編民人守堦下無疑兵
外無援旅議同築舍民嗟枵腹十三年巳卯正
月二日架雲梯從西城迤北而上城上施火

器輒反風上炎戍卒莫支相率避走遂乘勢
畢登焚殺官兵紳弁數十萬人踞城十有四日
乃去家餘焦壁室有深坑湖井克塞衢巷枕藉
蓋千百年來未有之慘也

崇傳疑

郭公夏五魯史必書談鬼搜神晉賢不廢天下理
之所必無容爲事之所必有自非博物鮮不以理
相格耳父老傳聞志傳紀載弗忍削也方朔海中
之歎張霸車中之識自昔已然何必過信阮瞻無

鬼遂棄志怪之書哉

明鏡石 濟南郡有方山相傳有負生得仙於此

山南有明鏡厓石方三丈魑魅行伏了了然在
鏡中南燕時鏡上有漆俗言山鬼惡其見已也
一夜漆塗之

飛來鎖 齊郡歷山上舊有鐵鎖大如人背繞其
峯再匝相傳本中山山神好移故海神鎖之挽
鎖斷飛來於此

房家圍池 在城隅北齊博陵君豹之山池也其

中雜樹森聳泉石崇邃歷中被撲以此爲勝昔
曾有人折其桐枝者公曰何故傷吾鳳條自後
人不敢復折公語參軍孝逸曰昔季倫金谷山
泉何必踰此孝逸對曰曾詣維西遊其故所彼
此相方誠如明教孝逸嘗欲還鄒詞人餞宿于
此孝逸自爲詩曰風淪歷城水月倚華山樹時
人以兩句比謝靈運池塘十字焉

華泉赤血 華不注泉齊頃公取水處方圓百餘
步北齊時有人以繩千尺沉下試之不窮繩出

赤如血其人不久坐事死

函山白鳥 西陽雜俎云齊郡函山有鳥名王母

使者漢武帝登此得玉函化爲白鳥飛去或曰
王母見用青鳥故其白鳥退閒于此

鐵牛 在府庠大門內微露其脊掘之愈深埋之
愈顯東漢郡國志謂歷城有鐵卽此蓋亦臨水
之鎮也世俗相傳以爲鐵牛山又以歷山頂爲
歷山縣治後爲煤山爲三山不顯云

朗公井 在城東三十里老君崖下酈道元曰苻

秦時有竺僧朗事佛圖澄與隱士張巨和居谷中朗封井戒勿用至于寂後開之人往炤井能見前世業根飲其水者能已嗔殺貪淫諸品

鐘鼓石 嶧山下有鐘鼓二石樵夫牧兒爭往擊

之聲聞數里

木魚 泉瀘莊東有甘露寺唐貞觀時建今寺廢

樵者嘗聞空中木魚聲

石驢 平陵王時有方士說王曰吾能使昏夜石

驢馱糧但不可過鷄鳴時耳試之果然後過雞

鳴用之遂仆今廢城門外驢尚存

神鶯 紅山在城南五十里相傳洞內有紅孩妖

洞上有二皂鵬高數尺翅若輪蒼狐狡兔見此

俱不能逃

糧塚 城東梁家莊世傳檀道濟軍至歷城乏食

乃唱籌量沙而以餘米覆其上今數塚尚存

鐵母 城東九里高尺餘峯壑俱備皆磁石也

瓢兒巖 渴馬崖南有瓢峯其形似瓢雲自瓢出

主雨雲自瓢入主晴或謂許繇當堯洪水時瓢

無所用故掛巖間後髦而忘之

鐵砧 方二尺許厚尺餘在城東高兒莊相傳唐太宗東征高麗鑄兵器之具方大叅守地移置于家

石槨 傳者謂在華山前黃郡守濬河掘出閱于石棺盛其首移之高原今華山下石槨尚存

陰地 平陵城西北有陰地數畝天色澄霽亦若雲陰迫視則無記謂青州有地鏡水影亦此類晏公 王季木曰俗傳江中有棕繩二號太宗二

宗許旌陽偶過江食柿棄其餘柿遂借爲日愈逼許當舟而現許倉卒無以禦敵取法印擊之中額兩宗得印稱正神一稱晏公一稱蕭公處處祀之歷下祀于北門內

迴車澗草 澗在華山下郤克逐齊侯處也草俱連騫蔓生如旋螺俗云兵車繞匝所致

朱雲墓草 雲本魯人從全節白子友學易因老死於此墓焉墓在全節城南十里草皆上指如劍佞人過之草必怒搖

劉夫人入稽神錄載長白山山西有夫人墓魏孝明
 之世清河崔羅什弱冠被徵詣州夜經於此忽
 見朱門粉壁樓臺相望俄有一青衣出語什曰
 女郎須見崔郎什恍然下馬入重門內有一青
 衣通問曰女郎平陵劉府君之妻侍中吳質之
 女府君兄行故欲相見什問曰魏帝與尊公為
 元城令然否女曰家君元城之日妾生之歲什
 乃與論漢魏事悉與魏史符合

開元寺碑 宣政雜錄云濟南府開元寺因重修

掘地得古碑蓋會昌中汰僧碑也字皆列缺磨
 滅不可讀惟八字獨存云僧盡烏巾尼皆綠鬢
 僧惡而碎之後有詔改德士盡如碑言

呂公祠 元遺山名好問在太原有道人嘗邀同
 手食且曰吾家在濟南趵突泉上甚可樂也子能
 從吾遊乎元曰有待數年後遺山過濟已忘前
 約矣遊泉上倦卧灤源堂忽夢前道人揖之曰
 久約不相憶耶何咫尺不在顧醒而始悟因起
 過北岸入祠中儼然座上矣因為重建此祠

石佛 成祖攻濟南時與鐵鉉戰忽有羣僧助鉉
勇不可當 成祖命人蹤跡之皆入大佛山

琵琶洞石壁上石刻佛體尚有汗命以鐵錘毀
其首今佛有身無首佛乃唐貞觀時製

毛二 王季木齊音云成化間有司治王宮其西
北爲居民毛二宅應規入毛以死乎不受價遂
自剄有司具奏因缺城一角示儉相傳六月一
日舉巷哭聲至今人稱其地爲毛二抹頭

徐僉事 齊乘云濟南憲司徐好古僉事孫分司

歸嘗鬱鬱不語一夕家人熟寐好古忽起抽刃
先殺其妻又殺其長子婢妾死者數人惟幼子
突窻間得逸徐乃自屠出腸而死竟不知其故
其居宅後棄爲炤磨廳事愚到官始毀之而建
架閣庫焉此事衆所目擊四方共聞慮刑者可
不戒哉

穆吏部 名深少登科居官多宦績暗爲中官所
中一夕削籍遂鬱鬱成病額內有一人騎驢時
相往來

刑春元 名善爲人醇謹甫中式嘗若有人尾其
後遂自經遺詩曰可惜功名已到手西風一夜
竟成空

許解元 名邦才家在布政司街當道扁其門曰
海內名家內有瞻泰樓乃與于鱗倡和處後宅
爲胥吏所得命僕崔立掃樓忽見朱衣人云爾
何人敢居吾室遂大罵其主已而暴死

徐中丞 名從治巡撫山東
來三月
不下一日中砲死先是肥城人刁守京夜夢冥

府取造七省輪迴冊有黃黑二卷色黃造善色
黑造惡冊埃冥王命守京往萊請徐撫臺至萊
投書徐公卽發牌往四川成都鄆都縣到任徐
公未卒先有此說已而果卒

傅茂才 名志尹少有文名崇禎戊辰夢有張龍
李虎引至冥府傅抗禮曰名士不跪會張李噴
噴有言遂得甦明年是日又夢二人來再至冥
府不覺自跪至獄獄卒索錢榜笞甚苦俄張李
來解之得脫傅問曰我與二君無水米交何多

方救我耶二人曰前世與汝同為商吾兩人為賊所劫君分貲救我得還故里誓報君三世傳因問來世事二人曰來世君年四十餘傳寤以告友人張經又三日驚呼曰張李來矣遂歿

呂僊閣聯 李中丞戴廩延人別號對泉少夢人示一語云仙人原為對泉來後數年撫東土至對泉泉呂仙祠恍悟前夢乃新其祠宇毛直指在乃益一語云勝地自逢開府關迄今揭之閣

楹間

乾隆丁卯四仲夏里衣撤呂仙像易以觀並聯語及李公祠木主志毀棄之後人誰復知此緣因也

目塵洞碑 諸生張得宿等山遊修此洞呂仙乃降筆作記云且予天啓四年十二月二十二日適有教下隨鶴子雲霞子靜壇子忘機子守靜子携瓊漿致餽品歷陟仙鏡徧逝奇峰臨箕在案請余在茲視其內面螺旋蝸結甘露玄津視其外面石履巉巖苔草參差又視其齊城人士交雜貴賤各態生還死復貧富雲于是欣賞感慨遂題此洞曰目塵便給詩聯讚詠經滿几楮及時沉暉余命送回起馨蘊純宿五子見余

愛慕衷卽不忘因率善信以啓其路覓匠巧以造其儀今乃工完故筆在卽永垂于世以記云

爾

來鶴亭詩 來鶴橋北有來鶴亭天啓丁卯有人以瓜殼濡墨題壁上云大仙何處黃鶴舞來鶴橋通白雪樓勝地自逢人作主好風飄桂我驚秋千家松菊山山月十里芰荷葉葉舟書罷新詩人不見涌輪亭上望悠悠時亭壁新成道士恐得罪乃詫以爲仙筆四方臨者連袂揮汗長

吏多羅拜其下已而察之酷塵野刹多此筆跡乃青州狂生戲墨云

王家園蕉 王茂才瑞園在沙苑西內有芭蕉數十本一日蕉生花相傳爲地湧金蓮活佛出世鄉村士女來觀者數萬人王生閉門不內遂相與毀垣而入數萬人皆羅拜于下號佛之聲聞數里

西城下蛇 張子弘祚蜚語及上臺顏中丞執而訊之辭連陳茂才洪祐陳故名家子遭時落魄

又木強不能斲乃擬陳大辟張反得城且一日
候鞠中丞門城上忽降一蛇纏張頸萬衆闕然
中丞廉得其情乃坐張子法而釋陳生

土地祠碑 布政司土地祠李中丞同芳記曰庚
戌輯瑞辭神賦歸辛亥夏復來與神共事是年
冬禱雪未應密請于神神爲余言雪俟除夕可
得尺許明歲大稔無慮時余父子抱恙思歸神
力止之各示一方應手而愈迨過除果有雪盈
尺今年拜命撫齊歲果大稔神言悉驗神姓何

諱壽鼎南宋岡陵人前任平章贈言之二章曰
危閣閒登思渺漫水天如在掌中看遊人莫著
禪衣去六月飛雲帶雪寒

述聞

春秋內傳成而以其餘爲國語太平御覽成而以
其餘爲廣記耳目覩聞無所附著彙爲一則邢子
愿所謂助志也彼夫西京雜記有禪漢書江左世
說乃成晉史豈獨襲迹耳談供文人清塵已耶
公三帶歷山老樵也得黃帝明堂圖于石窟中武

公帝欲作明堂於奉高傍未曉其制度帶乃上之
簡明堂中有一殿四面無壁茅蓋通水水圍公垣
爲複道上有樓從西南入後曰昆侖天子從之
共於是上令奉高作明堂如帶圖
濟南矚氏宗人三百餘家豪猾二千石莫能制于
是景帝拜邳都爲濟南太守至則誅矚氏首惡
餘皆股票居歲餘郡中不拾遺傍十數郡守畏
都如大府
甯成南陽人景帝時遷濟南都尉猾賊任威爲小

吏必陵其長吏時邳都爲守素聞其聲亦善遇
之都死成爲中尉其治多放邳都武帝卽位徙
爲內史外戚毀成之短抵罪髡鉗

王莽女孝王皇后也孝平崩莽移漢號其女爲黃
皇公主欲更嫁之后稱疾不起及莽誅后曰何
面目見漢家遂投火死

獻帝元和中曹操爲濟南相國時十餘縣長吏多
阿附貴戚操奏免其人禁斷淫祠姦宄逃竄久
之徵還爲東郡太守

東晉時平陵城北石虎一夕移于城東南善石溝
 上有狼狐千餘隨之迹皆成蹊趙王石虎大悅
 曰虎者朕也自平陵而東南者天將使朕平江
 南也于是起南寇之計

南齊王儉典吏部有姓譚者求官儉曰齊侯滅譚
 那得有君客曰譚子奔莒是以有僕儉賞其善
 據卒得職焉

魏神鼎四年檀道濟王仲德東走諸將追之至歷
 城而還太平真君七年高涼王那至濟南東平

陵遷其民六千餘家于河北

歷城北有使君林魏正始年鄭公崇三伏之際每
 率賓僚避暑于此取大蓮葉置硯格上盛酒二
 升以簪刺葉令與柄通屈莖上輪困如象鼻焉
 特翁之名碧筒酒

秦叔寶所乘馬號忽雷駮嘗飯以酒每月夜設三
 盞領檀當前一躍而過

秦瓊始為隋將來護兒帳內母喪護兒遣使襚弔
 之吏怪曰士卒死喪將軍未有所問今獨弔叔

寶何也護兒曰是子才而武志節完整豈久處
卑賤耶
羅士信爲裴仁基所禮及東都平出家財歛葬北
郊印以報德且曰我死當墓其側果然
濟南王祐好養鬪鴨方未及狸嚙鴨四十餘絕其
頭去及敗牽連誅滅者四十餘人
唐高宗問許敬宗曰天下洪流巨浸不載祀典濟
甚細而載在四瀆何也對曰瀆之言獨也不附
衆流獨能入海濟雖細獨而尊

唐楊德幹齊州刺史有威嚴時語曰寧食三斗炭
不逢楊德幹

貞半千咸亨中上書自陳臣家貲不滿千錢有田
三十畝粟五十石聞陛下封神嶽舉豪英故鬻
錢走京師朝廷九品無葭蓍親行年三十懷志
潔標未蒙一官不能陳力歸報天子陛下何惜
玉陛方寸地不使臣披露肝膽幸得天下英才
五千與權所長有一居先臣當伏死都市書奏
不報調武陟尉

高宗御武成殿問兵家有三陣何謂耶衆未對半
千進曰臣聞古者星宿孤虛天陣也山川向背
地陣也偏伍彌縫人陣也臣謂不然夫師以義
出沛若時雨得天之時爲天陣足食約費且耕
且戰得地之利爲地陣舉三軍如子弟從父兄
得人之和爲人陣舍是則何以戰帝曰善

開元初山東大蝗姚元崇請分遣使捕蝗埋之上
曰蝗天災也誠繇不德而致焉卿請捕蝗得無
違天而傷義乎元崇進曰臣聞大田詩曰秉畀

炎火者捕蝗之術也古人行之于前陛下用之
于後古人行之所以安農陛下用之所以除害
臣聞安農非傷義也農安則物豐除害則人豐
與農去害有國家之大事也幸陛下熟思之上
喜曰事旣師古用可救時是朕心也遂行之時
中外咸以爲不可上謂左右曰吾與賢相討論
已定捕蝗之事敢議者死是歲所司奏捕蝗蟲
凡數百萬石時無饑饉天下賴焉

水香亭乃唐杖殺李邕處也邕字大和江都人父

善淹貫古今不能屬辭人號書籠邕少知名李嶠爲內史薦邕拜右拾遺宋璟陳張昌宗反狀武后不聽邕立階下大言曰璟所陳社稷大計陛下當聽后色解即可璟奏後爲陳淄華諸州刺史上計京國圍觀如堵咸以爲古人出爲北海太守李林甫忌之坐以罪就郡杖殺之杜甫爲之賦八哀詩濟南山水之表章於此蓋自唐李邕始

宋元豐二年泰嘗院奏准中書度支郎中知齊州

韓鐸因旱詣本州龍洞山祈雪有應因奏龍洞靈異欲祈聖惠特賜開侯當院看詳齊州龍洞山龍王洞雖圖經不載旣緣祈禱有應合封爵號奉勅旨林嶽洞壑萃山川之秀則宜有神物宅于其間方災沴旱乾百穀之仰雲雨皆可以禱而獲也惟爾龍洞爲齊人望祈罔不答何可勿崇爵以列侯冠以嘉號用厚薦報永孚光靈宜特封順應侯牒至准

王舍店有讀書堂乃故龍圖侍郎張揆舊隱處也

王有蕪東坡題讀書堂三大字今移縣庠又有魏
 國王臨詩碑云熙寧逸老舊門牆少日窮經歷
 水陽負笈便為稽古地躬耕兼是養親堂已將
 賢業歸青史尚有陳徧秘標囊嗣子穀難承世
 學至今人愛鄭公鄉後題元豐庚申五月二十
 一日興德平易堂大觀書萬曆初掘地得之今
 在舖中

宋李文叔嘗言文不可苟作誠不著則不能工且
 晉人能文者多矣至劉伯倫酒德頌陶靖節歸

去來辭字字如肺肝出遂高步晉人之上其誠
 著也

文叔過臨淄絕句云擊鼓吹竽七百年臨淄城闕
 尚依然如今只有耕耘者曾得當時九府錢

趙明誠幼時晝寢夢誦一書覺來惟憶三句云言
 與司合安上已脫芝芙草拔以告其父父曰言
 與司合是詞字安上已脫是女字之夫草拔是

之夫字非謂汝為詞女之夫乎後得李格非女
 易安果有文章其祭明誠文曰白日正中嘆麗

公之機捷堅城自墮憐杞婦之悲深文亦慘黯
又賀孿生子啓云無午未二時之分有伯仲兩
偕之異旣繫臂而繫足實難弟而難兄玉刻雙
璋錦挑對襟乃其警句也按明誠字德甫乃丞
相趙挺之子嘗著金石錄三十卷易安爲後序
蓋做歐陽修集古錄而數倍之考訂詳洽多所
文發明朝歐陽修曰六一學趙大平十日平編歐陽
瑯環記云易安以重陽醉花陰詞函致明誠明誠
歎賞自媿弗逮務欲勝之一切謝客忘食忘寢

者三日夜作五十闕雜易安作以示陸德夫德
夫玩之再三曰只三句絕佳明誠詰之答曰莫
道不消魂簾捲西風人比黃花瘦則正易安詞
也

趙明誠守淄清照積書數十萬卷金人南下清照
倉皇渡江書漸散失惟漱玉集行世王季木齊
音云京朝名跡此中稀剗水黥山感異時惟有
女郎風雅在又隨兵舫泣江籬

易安有一剪梅詞云紅藕香殘玉簟秋輕解羅裳

獨上蘭舟雲中誰寄錦書來鴈子回時月滿樓
花自飄零水自流一種相思兩地閒愁此情無
計可銷除纔下眉頭却上心頭最膾炙人口

蔡元工于詞靖康中陷庭辛稼軒以詩詞謁見
蔡日子之詩則未也他日當以詞名家稼軒晚
年尚以長短句累五百首有奇

稼軒賦虞美人草浪淘沙詞云不肯遇江東玉帳
匆匆只今草木憶英雄唱着虞兮當日曲便舞
春風兒女此情同往事朦朧湘娥枝上淚痕濃

舜目重瞳堪痛恨羽又重瞳其南歌子新開池
戲作云散髮被襟處浮瓜沉李時涓涓流水細
侵堦鑿個池兒喚個月兒來盡棟頻搖動紅藻
盡倒開關勻紅粉照香腮有個人兒把個鏡兒
猜奇警峭拔可洗詞論之誣

李濂序曰辛稼軒平生與朱晦菴陳同甫洪景盧
劉改之輩友善晦菴嘗曰若朝廷賞罰明此等
人儘可用其答辛啓有云經綸事業股肱王室
之心游戲文章膾炙士林之口劉改之氣雄一

世其寄辛詞有曰古豈無人可以似我稼軒者
誰後百餘年邯鄲張堃過辛墓有詞曰嶺頭一
片青山可能埋得凌雲氣又曰謾人間留得陽
春白雪千載下無人繼同時之所推獎異代之
所追慕稼軒之槩可知已

晦菴歿時黨禁方嚴稼軒獨爲文哭之卒之日家
無餘財僅遺著述數帙而已謝疊山過其墓前
僧舍夜聞大聲疾呼似鳴其不平者疊山爲文
祭之而聲始息德祐初請于朝謚忠敏

王季木齊音云

人兵薄濟南有勇將關勝者善

用大刀屢陷

陣大戰兀术追奔至渴馬崖求

水不得北至齊城下馬走敲地泉湧故名馬跑

金人賄通劉豫許以帝齊誑勝出戰遂縛勝于

西郊送

管百計說之不降罵見殺且自

啖其睛示不爲用墓在城南渴馬崖西

劉豫墓在鵲山下墓中產蝎

元至正乙酉太史奏文昌星明文運將興時世祖

幸上都明日丙子帝生于儒州是夜張起巖亦

生及帝卽位始設科取士而起巖遂爲第一
元于欽著齊乘六卷嘗奉其母柩自濼口繇小清
河以達于新城之錦秋湖至棠鎮乃舍舟而東
報恩寺塔在龍洞東峰元豐二年僧宗義建四門
塔在神通寺東巖唐海公建又有龍虎塔在神
通寺姑嫂塔在丁公嶺皆勝蹟也餘不悉紀
邊華泉貯書數萬卷名其樓曰萬卷樓一夕盡火
公哭曰甚于喪我也未幾卒

李滄溟同殷許諸名士食鱓螯一士在傍采頰滄
溟曰君亦復能食此不

殷棠川先生所著有明農軒樂府其新春宴鶴江
宅賞梅詞云入門來不暇相揖先問北窻前梅
花開未其寫真詞更入三昧

殷文莊有琴名南風已卯燬于火

陳明號嵒湖有水部集家在布政司街東曲巷內
有石假山名曰九石山後歸張憲副志死自題
其墓曰嵒湖詩人八柳先生陳僉憲墓

谷紹岱繼宗幼好學家貧嘗往古廟撥爐灰取遺

谷炷歸其母結爲一束燃以夜讀日以爲嘗後遂成進士

德府有白鸚鵡 端士甚愛之有人前以手引之鸚鵡嚙其指其人負痛急揮之遂斷脰以死左右繫其人將謂不測 端主曰物之存亡命也彼豈有心哉之哉立命釋之

白雲湖中得一馬鹿形 端主每宴羣臣輒令背負八寶盤自控馬近前以食啖之戊寅冬鹿馬無故自斃

濯纓湖廣數十畝蓄魚無筭大者數尺陰雨往往起龍韓觀察宅有芙蓉亭下卽芙蓉池蓄魚數千頭于太僕池亭在龍潭西北亦蓄魚數百計柰水寒晴多暴出 清極鱗鬣畢見

布政司後有仰泰樓舊有鳥巢其上崇禎壬申十二月忽自移去人爭訝之踰數日遂火

陳憲副九疇弱冠時讀書別館有少婦月下踰垣裸而至公但辭以疾願以翌日旣而絕不復往又數年聞此婦死乃告子弟以爲戒曰使此婦

存不忍言之以傷人名節也

天啓辛酉

朝廷選大婚民間子女嫁娶殆盡

西門內鬻麵王翁有女十四容貌端妍其父母

直婢畜之弗奇也有司上其名乘傳坐輦詣都

後覩天乃在中州仍乘傳歸嫁爲胥人婦

王晴江見賓與洪友鶴孟賓竹善孟旣售王將縊

于中野泣倦而寢夢一亡友云子功名不在孟

下何自苦如此寤而察之所卧乃亡友某墓也

因益自負遂登第至中丞

深花敕有文集若干卷又有竹泉小像張令鶴

鳴題贊崇禎己卯偶軼五世孫茂才做于塗間

得其和尹冢宰送邊京兆考蹟還應天卷詩曰

淡淡疎林葉亂飛雨晴躍馬出郊畿一尊瀲灩

情偏冷千里迢迢意不違京兆今書循吏最鈞

衡還使庶民肥丹青已透相知眼自是陽春和

者稀筆勢飄蕭有仙氣今家藏爲寶玩云

己卯亂後四方喧辭甚富充司理李恪云徒勞

組甲日論兵一薄城萬衆旬陰慘迴風當晝

晦熹微燐火向宵明空廬餘燼誰來往遺骨成
丘無姓名階厲何人奄至此鼻酸目腫泣無聲
孫太史之獬有云十二山容失舊青慘同趙卒
犯天刑露荷遍洒文人淚灰壁橫飛壯士腥太
白何時可。月祖皇當日亦。傷心不掬華
泉飲熱鬼寒蘆夜夜螢劉總戎。和云歷山
萬象渺丹青誰遣天一司典刑白雪樓前泉斷
飄明湖水上荷沾腥千秋士節比筠節十日王
庭若朔庭還顧焚餘思舊堵當年數斗豈周螢

王陽明主試題壁云晚雲孤坐漫沉沉數盡寒更
落葉深高棟月明時燕語古堦霜細或蟲吟較
評正恐非吾力報答徒知盡此心賴有勝遊堪
自解秋風華嶽得追尋後題予謬以較試至此
假館濟南道夜坐設書壁間兼呈道主袁先生
請教弘治甲子仲秋五日餘姚王守仁書後人
臨摹立石道門內

歷山題詠獨王中丞在晉寫出旻天號泣之懷近
日冊陽諸葛晉明詩曰南山秀色映齊州千佛

雲屏蒼翠浮北眺湖城縈灤水遙臨華嶧障清
流耕耘業舊遺淳俗鹿豕林荒憶昔遊願借旻
天千古淚化爲甘澍潤平疇大與黎陽意協

萬曆戊午歲大旱李中丞長庚招郭羽士築壇禱
雨三應時酌突泉潤羽士爲鐵牌鎮之已復如
初近有海州杜惟全頗能隱刀點金之術亦一
異人也

楊莊揚卓弟也環水作寨不能攻又

王

免

近日好古文辭者有于茂才維直是太僕鯨子生
來不名一錢讀魚池泉亭寒暑不輟周茂才之
士美鬚髯自號美偲能詩善作字已卯皆死
又有楊明經衍嗣張文學金聲皆能詩

張孟育名元英愛積書歲數百卷以經史子集分
局獨竟陵書別貯一筒顏之曰鍾閉門謝客日
焚香點較戊寅近數萬卷已卯變殘于游兵
今猶存數百卷

南中一君子問余曰歷下孰爲好學余曰其張孟
育乎客曰何余曰人多求田問舍張獨積書插
架一難也人多克棟塵封張獨歲較數百卷二
難也人胸無片墨輒肆雄譚張獨深藏若虛三
難也客曰雖未見張君公言亦復佳矣

孟育嘗贈余詩曰一夜西風到井梧碧天蕭瑟岱
雲孤知君此際饒秋思譜得新聲幾曲無又賦
得多病故人踈見寄

胡昭來名顯宗性聰穎讀書過目輒記敘述今古

事雖數萬言皆有層折關應意致恬如毫不使
氣令聽者媿媿忘倦近歲酷好樂府其念奴嬌
天月涼風動枕衾寒惹起離愁欲絕玉韻花情
何處去空憶遶梁歌雪含淚自憐低聲相問猶
記叮嚀切是誰催促頓教千里長別但恨薄倖
忘恩如何便去也不和人說剩把重門深閉却
不怕王孫慘咽願得鱗音傳伊住處慰我腸千
結免勞覓夢天涯夜夜游徹聲情態韻宛然詩
餘遺響假之以年何渠不駕辛軼李今則空憶

遶梁歌雪耳

王大儒字汝為弱冠能詩酷嗜鍾譚詩歸為詩鮮

雋不類時吻學未大成資志以死死携友人岳

鍾秀所錄詩歸以殉嘗有贈友人尹若曾詩云

秃筆撞硯硯為缺寃墨落紙紙為裂丈夫哭則

類婦人笑不敢笑說不說君以奇禍得奇隍吞

聲百里腸縷結可恨悠悠成遠別鴈行從此忽

中折無情之憐妬不如搔首問天嘗面熱我有

敗鞘裹寒鐵其鳴蕭蕭刃比雪持以遥贈聊與

訣物不大滯不大泄縱爾家破猶存舌俛首事

人終不屑熱心欲降誰肯降出門一笑寒山劈

竟其所之居然長吉流也

王秋娘墓在佛山下碑鐫王小姐者是也大儒詩

云斷腸碑上小名香風雨經年損珮璫鏡瘦迴

非新月樣花殘猶憶舊時粧家家載酒逢寒食

歲歲招魂總故鄉紅袖撩人尋女伴誰憐孤塚

墓鴛鴦余愛其慘而媚

金線泉在趵突泉東北乃谷進士繼宗舊亭也其

贖後有感詩曰可憐一曲吟詩墅棄作三年賣
酒家入目止存君子竹傷心不見美人花池中
水湧魚爭躍樹裡風來鳥任譁此日野堂歸舊
主青山坐對興無涯後歸陳憲副九疇疊興文
社屢出科甲友人金見讀書其中顏其堂曰深
柳讀書堂余嘗取曾子固詩句更之曰冰綃堂
余爲十志義例各別餘如類無所隸文不相屬都
爲一卷詞近瑣綴意補缺遺君子察天戒而克謹
觀世變而預防考奇蹤以供談助緣舊聞以資博

觀附四則以殿十志歷事其備矣乎

歷城縣志卷十六止



歷城縣志卷五十一

庚辰秋八月歷城縣志刻成四方聞之莫

跋

庚辰秋八月歷城縣志刻成四方聞之莫

不知歷下無志而有志四方知歷下無志

而有志則莫不以是多吾兄故不

自多也懇然行之以謙為然吾兄雖不

自多而食息之所咨度連綿以寤言唯

余知之較深恐使吾兄苦志為白於當世

耶蓋吾兄方結髮即嗜古之辭諸如左氏
司馬家言靡不歲加丹黃下至晉說唐詩
宋詩餘元樂府靡不手自珍鈔勒成一書
已慨歷志弗備近歲頗覽輿圖諸書間嘗
取先民軼事形勝故蹟私構一帙以自怡
悅而楊君稱該博其所考山水特詳吾兄
見之驩相得也雖以餘力務及傳記詩話

雅不欲以之自見顧嘗憮然曰年將壯仕
而名未成爲用此雕蟲篆刻爲退然循帖
括功令杜門手一編而已己卯之變

汝南宋公亟欲脩邑志趙啓之先生推吾
兄能惟

宋公素知吾兄遂以見屬既三辭不獲命
爾乃廣咨耆碩博集羣書購齊乘於高邑

索金輿集於晉中其它諸書取之燼餘市肆者什三取之張孝廉元英遺書者什七春三月乃擇故實之有裨歷志者手錄十冊已念舊乘例繁因裁為十二綱四十九目夏四月州勅十有六冊爰始出謀同人詳求叅訂夏五月又手自楷錄十有六冊以授余余與薛君詳較精鈔以付剞工是

役也吾兄恐名勝之湮沉故廢址荒蹟必錄恐奇文之淪蝕故片言隻字悉收恐幽貞之淹滯故里媪市兒必載吾兄雖周詢虛受同人之裨益良多而至發例精簡斷制公平余雖日侍觚稜殆不能贊一辭焉意所云美不溢惡不隱親不私怨不避直而不阿盡而不汙吾兄庶幾有之與是以

甫百餘日而志告成噫嘻今茲之志成矣
則見以為固然向微
宋公荆之吾兄任之勝蹟湮而不彰幽忠
泯而弗錄即或屬筆他人謬悠矯誣不如
無書後之君子將無憾當吾世之人乎固
宜志成而四方聞之多吾兄也然吾兄故
不自多也志甫成依然循恬括功令柱門

手一編而已吾兄既不自多而其苦志又
不忍不自則亦就其食息之所咨度連牀
之所寤言槩述爾爾至於余從諸君子後
勉効一長退從較正之列者亦猶行吾兄
之志云爾是月既望母弟承祧謹識



臣等謹將所請開列於左

一、請將所請開列於左

一、請將所請開列於左

一、請將所請開列於左

一、請將所請開列於左

一、請將所請開列於左

一、請將所請開列於左



